

海城縣誌
(民國)
三

卷七

人事志

古昔盛時和親康樂安平勒爲成書而其時政教休明風同道一故國無異政家無異俗海邑屬古營州域遠在荒服不及見古時文治之美而在今縣治城若鄉之烟火萬家而星羅碁布者人民多自移殖而來故往往一鄉十室從宜從俗不無異同然而士習絃誦商樂懋遷工用高曾規矩農服先疇畎畝猶有淳古之遺焉今雖歐風亞雨潮流日激而行其地桑麻被野入其市闐闐連雲尹姑衣冠崔王大族新機日啓而古處仍敦於此見聖人庶富加教之旨遠矣因以志人事

人事

人類

縣境僻處邊隅屢被外夷侵據居民羈雜種類繁多自魏晉來若高麗若渤海以及遼金元之遺族皆與漢人同化種類無從區別清初編土著人爲漢軍八旗與滿洲蒙古各八旗並稱後遷入之各省漢人另編民籍外有來自西域之回民本境人類共分漢滿蒙回四種分列如下

漢族

漢族即蒙古利亞族黃色種人初起黃河流域後代苗民奄有中土自黃帝以來即爲中華民族之代表漢時兵力及外夷故魏晉後外人猶稱中國爲漢並謂中國民族爲漢族當燕秦之際漢人足跡漸及遼東及漢武帝滅朝鮮置四郡漢人之來者益衆厥後屢受外族凌

逼然漢族能保其固有特性不與外族同化外族反悅而化之是以數千年來漢族勢力迄未少衰清初編土著漢人爲八旗謂之漢軍世祖入關撥內地各省人民來此開墾聖祖時直豫魯晉之人尙源源而來投旗者仍爲漢軍未投旗者另編民籍與內地各省等三百年來生聚日衆今竟居全境人數十之六七原籍山東最多直隸次之山西河南又次之南省之人極少

滿族

滿族即通古斯族又曰韃靼族周之肅慎秦漢之東胡晉之鮮卑唐之渤海宋之女真皆此族也韃靼原分二部居松花江者曰粟末韃靼於唐時建渤海國居黑水者曰黑水韃靼即宋以後之女真明時女真分三種曰海西女真曰建州女真曰野人女真清太祖奴爾哈赤崛起建州統一諸部國號滿洲及太宗改國號曰清遂以滿洲爲部族之稱當時滿洲旗兵

駐防各處聚族而居是爲滿人境內滿人牛莊最多各村間有之然滿人生息不蕃今尙不及漢人十之二三

蒙古族

蒙古族即韃靼族唐時有蒙兀室韋爲此族之起源蒙古即蒙兀之音轉亦猶女真即肅慎之音轉也元太祖成吉思汗崛起漠北兵力直達歐洲疆域之廣爲亘古所無元滅後其遺族散居漠南北即今之內外蒙古清初蒙古內附有投旗編入冊檔者曰蒙古八旗駐防各處與滿人等習俗亦無大異又有錫伯人巴爾虎人均爲蒙古之一部縣境蒙古人皆清初編入冊檔者與洮南昌圖等處之外藩蒙旗不同錫伯人亦間有之無巴爾虎人

回族

回族阿剌伯人初回教祖穆罕默德又曰摩訶末創回回教建大食國後其勢力由土耳其

中亞細亞漸及天山南路一帶隋唐時已入中國蔓延四方所至輒相親善守其教旨尤篤在滿洲者爲東干派本土耳其人或曰清高宗時岳鍾琪征青海隨大軍入境散居各省縣境回民居城內者八十餘戶牛莊百餘戶虎獐屯三十餘戶大感王寨三戶以屠牛爲業或爲各種小負販無習農工商業者

戶口

縣境本明屯衛前代戶口甚稀清順治十年始設治招民開墾直魯豫晉之人來者日衆丁賦初編奉天府內及雍正十二年始編本城丁賦全境二十二社半原額新增實在行差人丁三千七百五十七丁（每丁一錢五分徵銀五百六十三兩五錢五分）當時戶口尙無冊籍及乾隆六年始行編審新編民戶七千八百五十七戶男婦一萬六千三百三十三人嗣後十年編審一次（三十七年分舊管戶口編入岫巖廳）至四十六年編審民戶七千三百四十五戶男婦三萬七千四百三十六人此當時民籍戶口之總數也至旗人戶口向歸佐領管轄三年一比另編冊檔不在此數當時旗人數目尙不及民籍之多統計旗民戶口至多約不過五六萬人迄今百四十年竟增加至六十萬以上雖由於休養生息所致而各省之人接踵而至亦戶口驟加之一大原因也茲將民國十二年警察調查各區戶口數目分

列於左

第一區（即中區）所轄一百二十一村（城關在內）

戶數 甲三百二十五乙九千零三十六丙四千七百統計一萬四千零六十一戶

口數 男四萬一千二百三十三女三萬九千六百五十八統計八萬零八百九十一人

第二區（即東區）所轄一百七十八村

戶數 甲二千九百四十七乙一萬一千一百七十五丙三千二百六十四統計一萬七

千三百八十六戶

口數 男六萬五千二百五十九女五萬九千八百二十九統計十二萬五千零八十八

人

第三區（即南區）所轄一百二十七村

戶數 甲一千一百四十一乙五千四百二十丙八千三百一十二統計一萬五千一百七十三戶

口數 男五萬二千八百九十六女六萬零一百三十統計十一萬三千零二十六人

第四區 (即西區) 所轄二百二十六村

戶數 甲一千七百三十七乙一萬四千七百一十七丙七千零四十二統計二萬三千四百九十六戶

口數 男七萬四千四百二十三女六萬三千四百三十統計十三萬七千八百五十三人

第五區 (即北區) 所轄一百三十四村

戶數 甲二千四百一十五乙一萬二千四百九十二丙五千五百一十三統計二萬零

四百二十戶

口數 男七萬九千二百一十六女七萬二千七百二十統計十五萬一千九百三十六人

千計七百八十六村九萬零五百三十六戶男三十一萬三千零二十七名女二十九萬五千計七百六十七口共六十萬零八千七百九十四人照全境疆域面積一萬七千二百方里每方里平均三十五人

全境戶口一覽表

類	別	年	齡	類	別	職	業
六歲以下男			四三八〇八	農	男		一六二二五六
女			四三四三八		女		一二六二六四
六歲以上男			八九六三〇	工	男		二九八〇三
女			八六五七七		女		一七一〇八
二十一以上男			一四二六四七	商	男		二九九一〇
女			一二七四九七		女		一五三八〇
六十以上男			三三三四二	學校畢業	男		二七一九五
女			三八二五五		女		九七九

共	男	三一二〇二七	公	職	男	二三七四
共	女	二九五七六七	廢	疾	男	一四四五
總	計	六〇八七九四	無	業	男	一四七

城關戶口一覽表

保		數	戶	數	口	數
東關八保甲				二七男		二一〇五
乙				六二三女		一九四〇
	丙			一二〇共		四〇四五
南關五保甲				二〇男		一五三〇
乙				六三女		一二七四
	丙			三三〇共		二八〇九
西關五保甲				三四男		一三九一
乙				九五女		三一六四

丙	三一九共	四五五五
北關五保甲	二四男	一四〇〇
乙	八七女	一四一五
丙	三八六共	二八一五
統計二十三保戶	二二一八口	一四二三四
工商店舖戶	五九二口	五五九二
外國僑民戶	一九口	四〇
總計戶	二七二九口	一九八五六

氏族

縣境地接東夷迭遭兵燹故家喬木存者無多清初旗人如范氏尙氏及牛莊駐防之關依那色富趙佟南諸氏皆當時閥閱世家而今已多凌替遂無顯達大姓至漢人子孫宗支蕃衍科第蟬聯者固所在多有然保世滋大者甚尠茲擇其族姓較繁家世較著者分列於左

孔氏 原籍山東曲阜縣至聖之裔清初徙縣境隸漢軍旗世居城西孔家屯

范氏 原籍江蘇宋范文正公之裔後徙遼東清初文肅公有開國功隸漢軍旗子孫駐防牛莊宗族繁盛世居城北大望台

尙氏 原籍山西洪洞縣後遷衡水復徙本境清初尙可喜以從征有功封王爵隸漢軍旗子孫衆多半居本境東靈大小新屯水泉廟兒溝等處城內建專祠有世管佐領春秋奉

祀